

Subha Taiba Mein Hui

Subha Ha Taiba mein hui bat'ta hai bara noor ka
Sadqa laynay noor ka aaya hai tara noor ka

Jo gadha dekho liye jata hai tora noor ka
Noor ki sarkar hai kiya is mein tora noor ka.

Mein gada tu badshah bhar day piyala noor ka
Noor din duna tera day daal sadqa noor ka.

Sham'a dil mishqaat tan sina zujaja noor ka
Teri surat kay liye aaya hai surah noor ka.

Teri naslay paak mein hai bacha bacha noor ka
Tu hai a'ainay noor tera sab gharana noor ka.

Noor o binte, noor zojay, noor o umme, noor o noor
Noore mutlaq ki kami zala hai ***lahma*** noor ka.

Nariyoon ka door tha dil jal raha tha noor ka
Tum ko dekha ho gaya thanda kaleja noor ka.

Taj walay dekh ker tera imama noor ka
Sir jhukatay hain ilahi bol bala noor ka.

Chand jhuk jata jidhar ungli uthatay mehad mein
Kiya hee chalta tha isharoon per khiloonaa noor ka.

Aie Raza achay raza sachay Raza meethay Raza
Aie Raza murshad Raza piyaaray Raza meray Raza

Aie raza yeh ahmade noori ka faize noor hai
Ho gayi meri ghazal bhar ker qasida noor ka.